

寓意草

卷二

寓意草註釋卷二

喻嘉言先生著

盱南後學謝甘澍註釋

論瘧邪間日發作輕重病機

陸先生體偉神健。氣旺血充。從來無病。蒞任以後。適值奇荒巨寇。憂勞百倍。因而病瘧。飲食減少。肌肉消瘦。形體困倦。口中時時噉氣。其候一日輕。一日重。纏

點出瘧病
經旨

辨出致病
之所以然

綿三月大爲所苦。察脈症。因知先生之瘧。乃饑飽勞
佚所感受傷。在陽明胃之一經。夫陽經受病。邪氣淺
而易愈。乃至爲所苦者。緣不識病之所在。藥與病邪
不相值。反傷其正耳。誠知病邪專專在胃。則胃爲水
穀之海。多氣多血之區。一調其胃。而瘧自止矣。故飲
食減而大便轉覺艱澀者。胃病而運化之機遲也。肌

肉消瘦者胃主肌肉也。形體困倦者胃病而約束之。
機關不利也。口中時時噉氣者胃中不和而顯晦塞
之象也。按此一段分疏症候病機悉本內經得來學者當合觀之至於一日輕一

日重者。此人所不經見之症。病機之最當發明者。其
候亦陽明胃經之候也。內經陽明脉解篇云。陽明之
病惡人與火。聞水聲則惕然而驚。及刺瘡篇云。陽明

解出經文
兩相悖謬
其實不悖
然謬之所以

之病喜見火喜見日月光何經文之自悖謬耶不知
此更實更虛之妙義而與日輕日重之理相通者也
夫陽明得病之始則邪氣有餘故惡人與火惡其助
邪也及其病久則邪去而正氣亦虛故喜火喜日月
光者喜其助正也若是則時日干支之衰旺其與人
身相關之故可類推矣蓋甲丙戊庚壬者天時之陽

目輕日重
之故辨別
瞭然治病
工夫總在
明陰陽邪
正上認真
體察方能
步步入勝

也。乙丁己辛癸者。天時之陰也。瘡人食減胃中之正
氣已虛而邪去未盡。是以值陽日助正而邪不能勝。
則輕。值陰日助邪而正不能勝。則重也。夫人身之病。
至於與天時相召。亦云亟矣。使當日稍知分經用藥。
何至延綿若是哉。迄今喫緊之處。全以培養中氣爲
主。蓋人雖一胃。而有三脘之分。上脘象天。清氣居多。

古人云人
身一小天
地醫與天

下。脘。象。地。濁。氣。居。多。而。其。能。升。清。降。濁。者。全。賴。中。脘。
爲。之。運。用。一。如。天。地。定。位。不。可。無。人。焉。參。贊。之。也。先
生。下。脘。之。濁。氣。本。當。下。傳。也。而。傳。入。腸。中。則。艱。不。當
上。升。也。而。升。至。胸。中。易。易。者。無。他。中。脘。素。受。飲。食。之
傷。不。能。阻。下。脘。濁。氣。上。干。清。道。耳。試。觀。天。地。間。有。時
地。氣。上。而。爲。雲。必。得。天。氣。下。而。爲。雨。則。二。氣。和。而。晴。

地之道通
喻氏其真
神明其術
者趙批

治久瘧以
培中爲主
深得治病
根本

爽立至若一味地氣上升天氣不降則太空窒塞而
成陰暄之象人之胃中亦猶是也清濁偶有相干頃
當自定設有升無降則逼矣故中脘之氣旺則水穀
之清氣上升於肺而灌輸百脉水穀之濁氣下達於
大小腸從便溺而消胸中何窒塞之有哉此所以培
養中氣爲亟亟也中氣旺則濁氣不久停於下脘而

臍下丹田之真氣。方能上下無碍。可以呼之於根。吸之於蒂。深深其息矣。所用六味地黃丸。凝滯不行之藥。大爲胃病所不宜。况以濁氣上干。反以陰濁之屬。揚波助流。尤無所取。今訂理中一方。升清降濁。爲合法耳。

按右論瘧。盤根錯節。悉本靈樞經素問篇立言。窮

源竟委。有理有條。讀之令人神爽。然不讀內經者。
安知此篇之妙。所謂秋聲只許高人聽。山水惟供
靜者看。

瘧脉必弦
脉大而空
非瘧脉已
可定案

治似瘧非瘧症

袁生素有房勞內傷。偶因小感。自煎薑湯表汗。因而發熱。三日變成瘧疾。余診其脉。豁大而空。且寒不成。寒熱不成。熱按寒不成。寒熱不成。熱便非真瘧形證。氣虛脫之候。因謂渠曰。竊慮來日瘧至。大汗不止。難於救藥。倘信吾言。今晚須用參湯頻進。防危。渠不以

爲意。次日五鼓時。病者精神便覺恍惚。扣門請救。及
覓參至。瘧已先發矣。余甚徬徨。恐以人參補住瘧邪。
雖救急亦無益也。按內經刺瘧篇云。雖有良工不能治其已發。只得姑俟
瘧勢稍退。方與服之。服時已汗出沾衣。頃之果然大
汗不止。昏不知人。口流白沫。灌藥難入。直至日暮。白
沫轉從大孔遺出。余喜曰。白沫下行。可無恐矣。但內

曲中病情
妙於施藥

此等處後

學宜着眼

趙批

神魂離舍

總由內虛

未復觀後

用藥可知

虛腸滑獨參不能勝任。急以附子理中湯連進四小劑。人事方甦。能言。但對面談事不清。門外有探病客。至渠忽先知家人驚以爲祟。余曰。此正神魂之離舍耳。
按產後血虛及肝火內急。亦有神魂離舍者。一則肝藏血。血虛不能藏魂。一則血熱肝急。逼魂外遊。
一虛一實。判若天淵。不可不辨。吾以獨參湯及附子理中湯。駟馬之力。追之尙在半返未返之界。以故能知宅外之事。再

與前藥二劑而安。

按瘧疾一症。諸書論之詳矣。治法無美不備。然有似瘧非瘧者。醫多認爲真瘧。拘於瘧之不離乎少陽。猶咳之不離乎肺之說。必用柴胡爲主。抑知似瘧非瘧之症。艱於用藥。倍於真瘧。十分蓋治真瘧之法。先哲有云。無汗要有汗。散邪爲主。有汗要無

証得解
喻氏功臣
補批

汗扶正爲先知此說者其庶幾矣。若夫假瘧爲患。紛更不一。或早或晏。或輕或重。形色自不相同。惟察其病之新久。審其脉之緩急。辨別的當。斯爲良工。錄此一案。以爲治瘧辨惑標榜。李士材曰。溫瘧舍於腎。痺瘧舍於肺。與心。溫瘧卽傷寒也。故傷寒論有溫瘧一症。痺瘧則火盛乘金。陰虛陽亢。二者

皆非真瘡也。

治似瘡非瘡症